

## **Mazita**

### **PANOPERA CHIDZIDZO UNOTARISIRWA KUNGE WAVA KUGONA**

- Kudoma mazita muzvirevo
- Kutsanangura maumbirwo emazita
- Kuumba zvirevo uchishandisa mazita

## **Maumbirwo Amazita**

Mazita ese anopinda muzvikwata zvakasiyanasiyana zvichienderana nemaumbirwo awo

Zvikwata izvi zvinodaidzwa kunzi mipanda

Zvikwata izvi zvinoonekwa nezvivakashure,maumbirwo,ushoma nouzhinji hwawo uye nezvaanoreva.

Zita rinovakwa nechivakashure+dzitsi

Sokuti:

mu-+-komana =mukomana

mu- (chivakashure)

-komana (dzitsi)

Mazita anoiswa mumupanda mumwe anenge ane sungawirirano yakafanana

Sokuti:

-mukomana uyu

-mukadzi uyu

-murimi uyu

Mazita omumupanda mumwe kanaava muuzhinji anova nechivakashure chimwe chete sokuti:

-Vakomana

-Vakadzi

-Varimi

-Vasikana

Zvinoreva kuti mazita ese anofambirana nenzira iyi kupinda mumupanda mumwe.

Muchidimbu mazita anoiswa mumupanda nekuda kwezvinotevera:

#### •**Zvivakashure**

Zvivakashure zvakafanana zvinoita kuti mazita apinde mumupanda mumwe chete semuenzaniso:

Rukukwe ,rukova, ruvanze

#### •**Zvaanoreva**

Mazita anoreva zvakafanana anopinda mumupanda mumwe chete somuenzaniso: murume, mukadzi, musikana

Mazita evanhu nokudaro anopinda mumupanda 1.

#### •**Sungawirirano**

Pane mazita ane zvivakashure zvakafanana asi achipinda mumupanda yakasiyana.

Mazita aya kuti apinde mumupanda yawo panoshandiswa sungawirirano.

Sungawirirano ikange yakasiyana kureva kuti mazita acho ari kupinda mumipanda yakasiyana somuenzaniso:

Iye mukomana. (1)

Iwo musana. (3)

Imo mupurazi. (18)

Kune mamwe mazita ane zvivakashure zvakasiyana asi sungawirirano iri imwe chete somuenzaniso:

garwe iri (ri-) + -karwebhuku iri Ø- + -bhukuzana iri (ri-) + -zanajoki iri Ø- + -joki

### •Sungano Youshoma Nouwandu

Mazita anopinda mumupanda nekuda kweushoma kana uwandu hwawo somuenzaniso:mukomana (1) vakomana (2)banga (5) mapanga (6)imba (9) dzimba (10)

Mupanda	Chivakashure	Zita
1	mu-	mukomana
1a	(0)-	tezvara
2	va-	vakomana
2a	Va-	VaGumbo
2b	-a	mbuya
3	mu-/mw-	muti ,mweya
4	mi-	minda

5	ri-	garwe
6	ma-	makarwe
7	chi-	chikoro
8	zvi-	zvikoro
9	i-/N	mombe
10	dzi-	dzimba
11	ru-/rw-	rukova,rwiyo
12	ka-	katsuro
13	tu-/tw	tukomana ,twukomana
14	u-/hu-/hw-	upfu, hupenzi,hwahwa
15	ku-	kufamba
16	pa-	panze
17	ku-	kure
17a	(0)	zasi
18	mu-	mudanga
19	svi-	svimuto
21	zi-	zigadzi

Mipanda namazita ayo

## Mupanda 1

Chivakashure /m-/mw-/

Muenzaniso

Chivakashure

dzitsi

mu--rume

mu--komana

mw--enga

mu--dzidzisi

Zvaanoreva

Ose mazita ari mumupanda 1 anomirira mazita avanhu.

Chivakashure chacho mu-, mw-chinomirirazve ushoma hwama zita acho.

Sungawirirano

Mazita emupanda 1 ane sungawirirano inoenderana seizvi,murume uyomukomana uyomudzidzisi uyomwenga uyo

Chivakashure mu-chinogona kubatana nemadzitsi anobva muzviito

## Mupanda 2

Chivakashure /va- v-/Chivakashure ichi chinotaura nezvo uzhinji hwomupanda 1

Mienzaniso;

Vakomana,varapi

### **Mupanda 1a**

Chivakashure Ø-

Chivakashure ichi hachionekwi pazita.

Chinotaura ushoma chichipangidza ukama sokuti sekuru,baba.

Chinoreva mazitasingwi evanhu sekuti Chipo,Farai.

Chinoreva mazitasingwi enzvimbo sekuti Zambezi,Harare, Chitungwiza.

Mazita anotaura mabasa emunhu sekuti mabharani,dhiraivha.

### **Mupanda 2a**

Chivakashure /va- Va- /

Mazita aya anoratidza kuremekedzwa kwemazita omumupanda 1a,sokuti,vatete,vasahwira./Va- / uyu anoratidza zita romunhu anokudzwa saVaMudyandzo, VaTadzoka.

### **Mupanda 2b**

Chivakashure /a-/

Mazita omumupanda uyu anoratidza ukama sokutiambuyaamai.

### **Mupanda 3**

Chivakashure /mu- /

Chivakashure ichi chinoreva mamwewo mazita asiri avanhu.

Mazita aya anogona kuve emiti sekuti;mutohwemutambamusasa.

### **Mupanda 4**

Chivakashure /mi- /Mazita omumupanda uyu uzhinji hwemumupanda 3 sekuti: misika, mitohwe, miromo, mimwe

Mamwe mazita emumupanda 3 haashanduki kana ave muuzhinji hwawo saka chivakashure /mw- / chinoonekwazve mumupanda 4 sekuti: mw-edzi, mw-ando

Mazita anoti moto,moyo ari mumupanda uyu asi chivakashure chawo ndi-/m- /

## **Mupanda 5**

Chivakashure /(ri-) / Ø-/

Mazita aya ane chivakashure chisingaonekiasi anozivikanwa nesungawirirano inowanikwa paari sekuti: demo iridanda iriri- anoita kuti dzitsi rezita rishanduke sekuti;/ri-/ + -temo = demo/ri-/ + -tanda = dandaDzitsi remumupanda 5 rinogona kuva dzitsi mumupanda 6,7 kana 11.Garwe izita remumupanda 5 tarisa maumbirwo anoitwa zita racho;/ri-/ + -karweDzitsi -karwe rinogona kuonekwa sezvinotevera;ma-karwe ( mupanda 6)tu-karwe (mupanda 13)chi-karwe (mupanda 7)ru- karwe (mupanda 11)

Chakakosha kúziva kuti mazita ari mumupanda 5 isungawirirano yacho nokuti mazita acho akawandisa.

## **Mupanda 6**

Aya mazita anoratidza uzhinji hwamazita ari mumupanda 5, 11, 21 sekuti: makudo, machira, madzikana.

Anoratidzazve mazita enzvimbo kana enguva yegore sekuti;materumaviriramahombekombe.

## **Mupanda 7**

Chivakashure /chi- /ch-

Chi-+ -koro

Ch- + -anza

Ch- + -oto

Mienzaniso yemazita

Chigero, Chipako, Chihuta, Chamupidigori, Churu

Zita rokuti chamupidigori rinovakwa seizvi: cha- + -mupidigori

## Mupanda 8

Chivakashure /zvi-/ /zv-/

Mienzaniso

zvi-huta, zv-ombo

Mazita aya uzhinji hwamazita omumupanda 7

## Mupanda 9

/n-/ Ø-/ i-/Aya mazita anoratidza ushoma hwemazita angave eshiri kana mhuka sekuti mbizi, mhembwe,hurekure,njiva

Mazita emidziyo yemumba kana nhumbi dzekupfeka sekuti: shashiko, nhembe

Maumbirwo

•+ -mombeN- + -ngwena

Kune mamwe mazwi ekuti dzitsi rinotorwa kubva kuchiito semuenzaniso: Mhondi inoshandisa dzitsi -pond- ratorwa kubva kuna kuponda.

N- + -pond-a (mhondi)N- + -paradz-a (mharadzi)Mharadzi inoshandisa dzitsi -paradz- ratorwa kubva pachiito kuparadza.



## Mupanda 10

Chivakashure /dzi-/ Ø- /i-/ n-/

Muenzaniso

dzi- + -mbaØ- + -nzou

Mazita aya anoratidza uzhinji hwemumupanda 9

## Mupanda 11

Chivakashure /ru-/ /rw- / /rwu- /

Mienzaniso

Rujazi, rugotwe, rukweza

Zvaanoreva

Mazita anotaure zvinhu zvinoshoreka sekuti; rwanarukuni

Mamwe anotaurewo zvisingashoreki sekuti: rwaivhi,, rukodzi, rudo

## Mupanda 12

Chivakashure /ka-/

Mazita omumupanda uyu ane zvinhu zvinoshoreka sokuti: Kashiye, kambiya, kadhiidhii

## Mupanda 13

Chivakashure /tu-/ tw-/twu-/

Mazita omumupanda uyu anoreva uzhinji hwemazita emumupanda 12 semuenzaniso: tushiye, tumbiya, twudhiidhii

## Mupanda 14

Chivakashure/u-/ /hu-/ hw-/

Mumupanda uyu mune mazita asingaverengeki asi achiratidza umwe sekuti:

Unyope, upenyu, utsi

Unhu hunoburitswawo mumupanda uyu sekuti;hupenziupfambiutsinye.

## Mupanda 15

Chivakashure /ku-/

Mazita omumupanda uyu anoshandisa mudzi wechiito sokuti kufamba,kunyora ,kugara.

## Maumbirwo

CHIVAKASHUREMUDZI WECHIITONZVOVERA

Ku- -famb- -a

Ku--mhany- -a

Ku- -fem- -a

Mazita aya anoratidza donzvo rokuita.Zviitiko zvacho hazvibatiki.

## Mupanda 16

Chivakashure /pa-/

Mazita aya anotaure pamusoro penzvimbo sokuti;pachikomopamusoroparuware.

## Mavakirwo

Chivakashure + Dzitsi

pa- + -musoro

### **Mupanda 17**

Chivakashure /ku-/

Mazita anotaridza nzvimbo iri kure nomutauri.

Mienzaniso

Kutsime, kugwenga, kurwizi.

### **Mupanda 18**

Chivakashure /mu- /

Aya mazita anoratidza nzvimbo iri mukati sokuti;mumba, mudura, mugomo.

### **Mupanda 19**

Chivakashure /svi-/

Mazhinji amazita aya anotaurwa kuChikaranga achiratidza zvinhu zvidiki kana zvisihoma zvichishoreka sokuti;svimvura, svimuto, svitete.

### **Mupanda 21**

Chivakashure /zi-/

Mazita aya anotaridza zvinhu zvine mwero wakapfurikidza.

Mienzaniso

Zigomana, zidzoro, zigora.

## Mibvunzo

Ipa mipanda yemazita anotevera :

Ngwavaira	gaarwe
Midhudhudhu	muchairi
Kutiza	munyika
Zvikwere	chamupidigori
Rwendo	makomba
Pabasa	mutemo

Pamazita ose emipanda awapa pamusoro apo ,nyora zvivakashure zvawo.